




«ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ
ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՍ

"YEREVAN STATE MEDICAL UNIVERSITY
AFTER MKHITAR HERATSI" FOUNDATION



ՀՀ, 0025, Երևան, Կորյունի փ. 2 • Koryun St. 2, Yerevan, 0025, Republic of Armenia • Tel: +374 10 582532 • URL: www.ysmu.am • E-mail: genserv@ysmu.am

թիվ 09/492

«04» 04 2024թ.

ՈՐՈՇՈՒՄ

«Երևանի Մխիթար Հերացու անվան պետական բժշկական համալսարան» հիմնադրամի ռեկտոր Արմեն Աբգարի Մուրադյանի

ՄԱՍՆԱԿՑԻՆ ԳՆՈՒՄՆԵՐԻ ԳՈՐԾԸՆԹԱՅԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ
ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 2-րդ մասով սահմանված պահանջների համաձայն, ուսումնասիրելով ԷԱՃԱՊՁԲ-2024/8-3-ԵՊԲՀ ծածկագրով գնման ընթացակարգի (այսուհետ նաև՝ Ընթացակարգ) գնահատող հանձնաժողովի նախագահի կողմից 29.03.2024թ.-ի զեկուցագրով «Սոֆոն» ՍՊԸ-ին (այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ներկայացված հիմքերը, պարզեցի հետևյալը.

1. Գնահատող հանձնաժողովի նախագահի ներկայացրած փաստերը և պահանջը.

Գնահատող հանձնաժողովի նախագահը «Երևանի Մխիթար Հերացու անվան պետական բժշկական համալսարան» հիմնադրամի ռեկտոր Ա.Ա.Մուրադյանին (այսուհետ նաև՝ Պատվիրատուի ղեկավար) ուղղված 29.03.2024թ.-ի զեկուցագրով հայտնել է հետևյալը.

«Երևանի Մխիթար Հերացու անվան պետական բժշկական համալսարան» հիմնադրամի /այսուհետ նաև՝ Համալսարան/ կարիքների համար 2024 թվականի մարտի 1-ին հայտարարված համակարգիչների, համակարգչային սարքերի և պարագաների ձեռքբերման «ԷԱՃԱՊՁԲ-2024/8-3-ԵՊԲՀ» ծածկագրով էլեկտրոնային աճուրդի ընթացակարգին մասնակցության հայտ է ներկայացրել նաև «Սոֆոն» ՍՊԸ-ն, որի մասնակցության հայտի գնահատման արդյունքում հայտում արձանագրվել է հետևյալ անհամապատասխանությունը. «Սոֆոն» ՍՊԸ-ի կողմից մասնակցած թիվ 9 չափաբաժնի համար ամբողջական նկարագրի մաս հանդիսացող մոդել դաշտում առաջարկված որպես մոդել «HIP Victus» արտահայտությունը չի հանդիսանել մոդել, ինչպես նաև նշված չի եղել տեսաքարտի հիշողության չափը (գեգաբայթը):

2024 թվականի մարտի 21-ին կայացած նիստում հանձնաժողովը որոշել է մեկ աշխատանքային օրով կասեցնել գնման ընթացակարգի նիստը և նույն օրը դրա մասին էլեկտրոնային ձևով աճուրդների իրականացումն ապահովող համակարգի միջոցով տեղեկացրել է «Սոֆոն» ՍՊԸ-ին՝ առաջարկելով մեկ աշխատանքային օրվա ընթացքում շտկել արձանագրված անհամապատասխանությունները /հիմք ՀՀ կառավարության 04.05.2017թ. N526-Ն որոշման 41-րդ կետ/:

2024 թվականի մարտի 28-ին կայացած նիստում հանձնաժողովն արձանագրել է, որ մինչև սահմանված ժամկետի ավարտը գնման ընթացակարգի մասնակից «Սոֆոն» ՍՊԸ-ն չի շտկել արձանագրված անհամապատասխանությունները:



Հաշվի առնելով վերոգրյալը՝ հանձնաժողովը որոշել է «ՍՈՖՈՆ» ՍՊԸ-ի հայտն ամբողջությամբ գնահատել անբավարար և մերժել /հիմք ՀՀ կառավարության 04.05.2017թ. N526-Ն որոշման 42-րդ կետ/: Նույն նիստի ընթացքում «Սոֆոն» ՍՊԸ-ի հայտով ներկայացված թիվ 9 չափաբաժինը հայտարարվել է չկայացած պայմանագիր չկնքվելու հիմքով /հիմք ՀՀ կառավարության 18.05.2017թ. N534-Ն որոշման 10-րդ կետի 2-րդ ենթակետ/:

Հաշվի առնելով վերոգրյալը և հիմք ընդունելով «Գնումների մասին» ՀՀ օրենքի 6-րդ հոդվածի 2-րդ մասով սահմանված պահանջները՝ առաջարկում եմ «Սոֆոն» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել պատճառաբանված որոշում և հիշյալ որոշումը գրավոր ուղարկել ՀՀ ֆինանսների նախարարություն:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

«Երևանի Մխիթար Հերացու անվան պետական բժշկական համալսարան» հիմնադրամի աշխատանքների կազմակերպման համար 2024 թվականի մարտի 1-ին հայտարարված համակարգիչների, համակարգչային սարքերի և պարագաների ձեռքբերման «ԷԱՃԱՊՁԲ-2024/8-3-ԵՊԲՀ» ծածկագրով էլեկտրոնային աճուրդի ընթացակարգին մասնակցության հայտ է ներկայացրել նաև «Սոֆոն» ՍՊԸ-ն, որի մասնակցության հայտի գնահատման արդյունքում հայտում արձանագրվել են հետևյալ անհամապատասխանությունները. «Սոֆոն» ՍՊԸ-ի կողմից մասնակցած թիվ 9 չափաբաժնի համար ամբողջական նկարագրի մաս հանդիսացող մոդել դաշտում առաջարկված որպես մոդել «HP Victus» արտահայտությունը չի հանդիսանել մոդել, ինչպես նաև նշված չի եղել տեսարարի հիշողության չափը (գեգաբայթը):

2024 թվականի մարտի 21-ին կայացած նիստում հանձնաժողովը որոշել է մեկ աշխատանքային օրով կասեցնել գման ընթացակարգի նիստը և նույն օրը դրա մասին էլեկտրոնային ձևով աճուրդների իրականացումն ապահովող համակարգի միջոցով տեղեկացրել է «Սոֆոն» ՍՊԸ-ին՝ առաջարկելով մեկ աշխատանքային օրվա ընթացքում շտկել արձանագրված անհամապատասխանությունները /հիմք ՀՀ կառավարության 04.05.2017թ. N526-Ն որոշման 41-րդ կետ/:

2024 թվականի մարտի 28-ին կայացած նիստում հանձնաժողովն արձանագրել է, որ մինչև սահմանված ժամկետի ավարտը գման ընթացակարգի մասնակից «Սոֆոն» ՍՊԸ-ն Համակարգի միջոցով չի շտկել արձանագրված անհամապատասխանությունները: Հաշվի առնելով վերոգրյալը՝ հանձնաժողովը որոշել է «Սոֆոն» ՍՊԸ-ի հայտն ամբողջությամբ գնահատել անբավարար և մերժել /հիմք ՀՀ կառավարության 04.05.2017թ. N526-Ն որոշման 42-րդ կետ/: Նույն նիստի ընթացքում «Սոֆոն» ՍՊԸ-ի հայտով ներկայացված թիվ 9 չափաբաժինը հայտարարվել է չկայացած պայմանագիր չկնքվելու հիմքով /հիմք ՀՀ կառավարության 18.05.2017թ. N534-Ն որոշման 10-րդ կետի 2-րդ ենթակետ/:

3. Պատվիրատուի ղեկավարի հիմնավորումները և եզրահանգումը.

1.«Երևանի Մխիթար Հերացու անվան պետական բժշկական համալսարան» հիմնադրամի ռեկտոր Ա.Ա.Մուրադյանս, ուսումնասիրելով գնահատող հանձնաժողովի նախագահի կողմից ներկայացված զեկուցագիրը և կից փաստաթղթերը, հայտնում եմ հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը,

բ. որպես ընտրված մասնակից հրաժարվել կամ զրկվել է պայմանագրի կնքելու իրավունքից:

Օրենքի 6-րդ հոդվածի 2-րդ մասի համաձայն գնումների գործընթացին մասնակցելու իրավունք չունեցող մասնակիցների ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակվիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Կարգի 41-րդ կետի համաձայն, եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 42-րդ կետի համաձայն, եթե Կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից ճանաչվում հաջորդող տեղ զբաղեցրած մասնակիցը:

Այսպիսով՝

«Սոֆոն» ՍՊԸ-ի կողմից «Երևանի Մխիթար Հերացու անվան պետական բժշկական համալսարան» հիմնադրամի կարիքների համար 01.03.2024թ-ին հայտարարված ընթացակարգի ներկայացվել է մասնակցության հայտ:

«Սոֆոն» ՍՊԸ-ի կողմից մասնակցության հայտի գնահատման արդյունքում հրավերով սահմանված վավերապայմանների նկատմամբ գնահատող հանձնաժողովի կողմից արձանագրվել են անհամապատասխանություններ:

Գնահատող հանձնաժողովը 21.03.2024թ. նիստը կասեցրել է մեկ աշխատանքային օրով և նույն օրը դրա մասին էլեկտրոնային ձևով աճուրդների իրականացումն ապահովող համակարգի միջոցով տեղեկացրել է «Սոֆոն» ՍՊԸ-ին՝ առաջարկելով մեկ աշխատանքային օրվա ընթացքում շտկել արձանագրված անհամապատասխանությունները:

«Սոֆոն» ՍՊԸ-ն Համակարգի միջոցով ընդհանրապես չի շտկել արձանագրված անհամապատասխանությունները:



Գնման ընթացակարգի հրավերով հայտի ապահովման ներկայացման պահանջ սահմանված չէր:

Ուսումնասիրելով ներկայացված հիմքերը, դրանք համադրելով առկա ապացույցների հետ՝ արձանագրում եմ, որ «Սոֆոն» ՍՊԸ-ն թույլ է տվել Օրենքի 6-րդ հոդվածի 1-ին մասի 6-րդ կետի «ա» ենթակետի խախտում, քանի որ խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Օրենքի 6-րդ հոդվածի 2-րդ մասի համաձայն ՀՀ ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն Մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

Ո Ր Ո Շ Ե Ց Ի

1. Գնահատող հանձնաժողովի նախագահի կողմից ներկայացրած հիմքերով՝ «Սոֆոն» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ, գնահատել բավարար:

2. «Սոֆոն» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմին՝ ՀՀ ֆինանսների նախարարություն, «Սոֆոն» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

Մասնակցի						
անվանումը	ՀԿՀՀ /ֆիզ. անձի ղեկավարող հանրային ծառայության համարա նիշը	գործունեության հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին Պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ գրկվել է պայմանագրի կնքելու իրավունքից	
«ՍՈՖՈՆ» ՍՊԸ	00232725	ք.Գյումրի, Մայրաթ-Նովա3/3	X	-	-	04.04.2024 Է.Ա.Ա.Պ.Գ.Յ. 2024/8-3-Ե/1132

3. Սույն որոշումն ուժի մեջ է մտնում ստորագրման օրվան հաջորդող օրը:



Ա.Ա. ՄՈՒՐԱԴՅԱՆ